

The Electronic *Manipulus florum*
www.manipulusflorum.com

Aduocati s
cum fonte primo

Si in aurem iudicis uel aduocati sussurret
pecunia, Orphei lira, carmen Amphionis,
musa Virgilii uoce pecunie suffocantur.

Quid plura?

Vbi nummus loquitur, Tulliani eloquii tuba
raucessit; ubi nummus militat, Hectoree
milicie fulgura compescuntur; ubi pugnat
pecunia, uirtus expugnatur Herculea.



Per quam,
ubi nummus loquitur, Tulliani eloquii tuba
raucessit; ubi nummus militat, Hectoree
milicie fulgura conticent; ubi pugnat
pecunia, uirtus expugnatur Herculea.

Si quis enim armatur pecunia tanquam loricis
argenteis, torrentis impetum Tulliani,
fulgor incursus Hectorei, robur uirtutis Herculee,
versipelles Vlixee calliditas floccipendit argutias.
In tantum etenim habendi fames incanduit,
ut dialetice muta sit subtilitas, retorice languescat
ciuilitas. Vbi nummorum perorat pluralitas,
iam Tullius sui monetam uendit eloquii,
sui pudoris monilia in auri precium conmutat
Lucrecia, Penelope sue mercenaria castitatis
pudorem deponit in pretio. Ypolitus etiam,
si nummi preces audiat susurrantis,
sue nouerce non uult precibus nouercari. Nam
si in aure iudicis susurret

pecunia, Orphei lira, carmen Amphionis,
musa Virgilii, uoce pecunie suffocatur.

Iam diues diuiciarum naufragans in profundo
ydropice sitis incendiis tantalizat. Pauper etiam,
quamuis materialem auaritiam realiter exercere non
ualeat, intus tamen archetypam retinet parcitatem.
Proh pudor, metallorum onera largiuntur honores
ad metalli pondera ponderatos. Iam non *Cesar* sed
nummus *est omnia* qui ab individualibus usque ad
generalissima honores singulos tanquam mediator
excurrit. Nam nummus patriarcha noster existit, qui
quosdam archiepiscopatus inthronizat in apicem,
quosdam episcopalibus fastigii erigit in honorem, hos
archidiaconalibus adaptans officiis, alias aliarum
pedestrium dignitatum coaequans negotiis.

Quid plura?

Nummus uincit, nummus regnat,
nummus imperat uniuersis.

Nummus uincit, nummus regnat,
nummus imperat uniuersis.

Alanus libro de conquestione nature.

Alanus de Insulis, *De planctu naturae*, 12 (N.M.
Häring ed., pp.855-6, ll.90-114).